

元始天尊說北方真武妙經

仰啟咒

仰啟玄天大聖者 北方壬癸至靈神  
金闕真尊應化身 無上將軍號真武  
威容赫奕太陰君 列宿虛危分秀炁  
雙睛掣電伏群魔 萬騎如雲威九地  
紫袍金帶佩神鋒 蒼龜巨蛇捧聖足  
六丁玉女左右隨 八殺將軍前後衛  
消災降福不思議 歸命一心今奉禮  
爾時

元始天尊 於龍漢元年七月十五日 於八景天宮上元之殿 安祥五  
雲之座 與三十六天帝 十極真人 無量飛天大神 玉童玉女 侍  
衛左右 一時同會 鼓動法音 天樂自響 大眾欣然 咸聽天尊說  
無上至真妙法 是時 上元天宮東北方 大震七聲 天門忽開 下  
觀世界 乃有黑毒血光穢雜之氣 幽幽冥冥 從人間東北方 直上  
衝天 盤結不散 大眾咸驚 默然不敢議問 時會中有一真人 名

元始天尊說北方真武妙經

清微藏書閣

曰妙行 威德充備 諸天欽仰 越班而出 執簡長跪 上白 天尊  
曰 況此境清靜太陽道境 何得有此黑毒之氣 盤結衝上 是何異  
因 唯願天尊至聖 為眾宣說 絕其疑慮  
天尊告曰 汝等妙行 能為眾生發問是由 汝當復坐  
靜默安神 吾當為說

天尊曰 下元生人 皆稟清靜 氤氳真一之形 悉備三六千神氣  
扶衛其身 今已陰陽數盡 劫運將終 魔鬼流行 信從邪道 不省  
本源 諂求餘福 昏迷沉亂 不忠不孝 不義不仁 好樂邪神 禱  
祭魔法 今為六天魔鬼枉所傷害 或老或少 或男或女 未盡天年  
橫被傷殺 本非死期 魂無可託 鬼毒流盛 死魂不散 怨怒上  
衝 盤結惡氣 汝當省知 於是 妙行真人與諸大眾 聞是說已  
心大驚怖 欲請天尊威光 暫降下方 收除魔鬼 救度眾生 拔濟  
幽魂 去離邪橫 大眾懷疑未敢  
天尊告曰 不勞吾威神 此去北方 自有大神將 號曰真武 部眾  
勇猛 極能降伏邪道 收斬妖魔 真人上白天尊曰 不審此位神將  
生居天界 修何道德 為於神將

天尊告曰 昔有淨樂國王與善勝皇后 夢吞日光 覺而有娠 懷胎十四箇月 於開皇元年甲辰之歲三月建辰初三日午時 誕於王官生而神靈 長而勇猛 不統王位 唯務修行 輔助玉帝 誓斷天下妖魔 救護群品 日夜於王官中 發此誓願 父王不能禁制 遂捨家辭父母 入武當山中 修道四十二年 功成果滿 白日登天 玉帝聞其勇猛 執鎮北方 統攝真武之位 以斷天下妖邪 真人上白天尊曰 如何得此神將 入於下方 收除魔鬼 救度群生 免遭橫死 日有所益 伏願大慈 天尊遂其所請 乃勅右侍玉童 馳詔真符一道 逕往北方 召其真武神將 其神蒙召 部領神眾 逕到 天尊前長跪 臣已奉玉帝勅命 位鎮北方 今日何緣得 睹慈顏 特蒙符召

天尊告曰 吾於上元宮中 大會說法 忽下方黑毒怨氣 衝上天界 大眾咸驚 汝宜往彼 收斷妖魔 拔濟魂爽 真武神將 敬奉天尊教劫 乃披髮跣足 踏騰蛇八卦神龜 部領三十萬神將 六丁六甲 五雷神兵 巨虬獅子 毒龍猛獸 前後導從 齊到下方 七日

## 元始天尊說北方真武妙經

清微藏書閣

之中 天下妖魔一時收斷 人鬼分離 冤魂解散 生人安泰 國土清平 真武神將與諸部眾 還歸上元宮中 朝見 天尊曰 昨奉教命 往 下方收斬妖魔 仗慈尊力 乃 於七日之內 天下邪鬼 並皆清蕩 得無勞乎 於是 天尊曰 善哉 汝等諸神 乃交乾布斗 魁罡激指 上佐天關 真武神將 而作咒曰

太陰化生 水位之精 虛危上應 龜蛇合形  
周行六合 威攝萬靈 無幽不察 無願不成  
劫終劫始 剪伐魔精 救護群品 家國咸寧  
數中末甲 妖氣流行 上帝有動 吾故降靈  
闡揚正法 蕩邪辟兵 化育黎兆 協贊中興  
敢有小鬼 欲來現形 吾目一視 五嶽摧傾  
急急如律令

奉禮咒曰

太初太易 無象無形 莫知重濁 孰辯輕清

吾於混沌 分其昏明 天得以健 地得以寧  
民得以養 物得以萌 邪得以正 神得以靈  
三才之內 萬類咸亨 大朴既散 仁義乃興  
禮樂既作 姦邪斯行 六誼或失 四民有爭  
上不寬恕 下不忠貞 或魔或鬼 或妖或精  
恣橫荼毒 干擾生民 全家疾患 累歲官刑  
財物耗散 骨肉伶仃 性命枉逝 災禍相縈  
穢雜之氣 上達天庭 天尊有命 令與安平  
有妖皆剪 無鬼不烹 溫疫之吏 束首伏應  
鬼精滅爽 邪魔推傾 吾有十萬力士 五千萬兵  
天上天下 從吾降昇 拒吾者滅 奉吾者生  
惡吾者辱 敬吾者榮 禮吾者壽 非吾者薨  
吾有此令 人鬼咸聽 急急如律令  
又咒曰  
北方玄天 杳杳神君 億千變化 玄武靈真  
騰天倒地 驅雷奔雲 隊仗千萬 掃蕩妖氛

元始天尊說北方真武妙經

清微藏書閣

雷公侍從 玉女將軍 鬼神降伏 龍虎潛奔  
威震五嶽 萬靈咸遵 鳴鍾擊鼓 遊行乾坤  
收捕逆鬼 破碎魔軍 除邪輔正 道炁常臻  
急急如律令

天尊告真武曰 自今後 凡遇甲子庚申 每月三七日 宜入人間  
受人之醮祭 察人之善惡 修學功過 年命長短 可依吾教 供養  
轉經 眾真來降 魔精消伏 斷滅不祥 過去超生 九幽息對 見  
存獲慶 天下和平  
爾時 妙行真人與諸天帝 無量飛天神王 真仙大眾聞說 莫不  
歡喜踴躍 一時作禮 讚歎功德 我等今日 蒙大法利益 請於人  
世 救獲眾生 令得免三災患難 各各受持 稽首奉行 真武神將  
再奉天尊敕 永鎮北方 奉辭而退

元始天尊說北方真武妙經竟

天運辛卯年巳月正一天師清微弟子洪鼎堅羅大英恭錄彙編

徐小媛複校